

1598

ditatu, Uscochis licet acriter se tuentibus, non sine ingenti eorum cæde, finitimorumque terrore expugnat. Ac licet eo successu vehementer Cæsareani conquerentur, attamen invictum, necessitateque compulsum ad ea descendere Senatum cognoscentes, cur tot incommodis obviam non irent, Pannonico bello tribuebant.

*Jaurinum
a Cæsareani-
nis receptum.*

Atque eodem tempore lætum Jaurini, Adolphi comitis Suarcemburgensis, Comari præfecti, pernobili ac felici astu recuperati, nuntium Patribus afferebant. Is fane una cum Palfio, sex mille circiter partim peditibus, partim equitibus coactis, noctu Jaurinum propius intulere, sub auroram machina (quam *petardum* vocant) portam prostrernere, inde ingredi urbem posse rati. Sed cum portæ, arcis ponti, quo in urbem itur, propinquæ, frustra applicuissent, denuo a Gallo quodam urbis portæ fuit admota; qua ingenti fragore, tonitruui instar, dejecta ac prostrata, aditus Cæsareanis est factus. Novitate rei, tenebris, armorum ac scloppetorum strepitu ex composito diversis in locis circa urbis mœnia excitato, perculsi & perterriti Turcæ, pars ad muros, pars ad portas accurrunt. Cæsareani urbem ingressi, mille ac trecentis una cum Bassa aliisque insignibus præfectis cæsis, ducentis tantum Christianis desideratis, Jaurino potiuntur. Felicem rei exitum Cæsari Senatus gratulatur. At Hibraimo in Pannonia exercitus imperatore a Mehemete declarato, cum, inter Janizzeros ac Spachos exortis dissensionibus, tempus extraheretur, in superiori Pannonia Georgius Basta, Epirotico genere Neapoli ortus; in inferiori Suarcemburgius duces creantur. Buda a Suarcemburgio tentata, urbs ipsa occupata, arx frustra oppugnata. Ab Sardare Bassa eodem tempore Varadinum, superioris Pannoniæ oppidum, immani conatu obsessum. Interea Michael Vaivoda cum suis copiis in turcicos fines irrumpens, centrum passuum millia cuncta depopulando emensus, Coronam usque progreditur; qua ex re Mehemetes permotus, Dautem Bassam magno militum numero Hadrianopolim mittit, qui ibi hyemare statuit, ut insequentis anni initio Satergio Bassæ junctus, quem Michael insequutus Belgradum usque propulerat, eas regiones propugnaret. Ita eo anno in Pannonia dimicatum, Cæsareanorum, ob Jaurinum recuperatum, superiore fortuna,

nec

*Hibraimus
Turcarum
exercitus in
Pannonia
imperator.*

Buda a Cæsareanis capta.